



**TERTIB ACARA KEBAKTIAN MINGGU
GKPS P.BULAN-RESORT POLONIA MEDAN
Minggu VIII Dob Trinitatis, 02 AGUSTUS 2020**



TOPIK: "MANLAWAN SISIP AMPA KORUPSI"

Live streaming: www.gkpspadangbulan.com/tv

Tata Ibadah: <http://www.gkpspadangbulan.com/tatib>

1. Votum – Introitus – Tonggo

P.Riap ma hita jongjong!

Ibagas Goranni Naibata Bapa, pakon Tuhan Jesus Kristus ampa Tonduy Na Pansing, Sitompa Langit pakon tanoh on. Amen.

Pintori Ham ma ahu, ale Naibata. Patorsa Ham ma parkarangku marimbang bangsa na so Daulat, paluah Ham ma ahu humbani halak panipu pakon pargeduk. Haleluya

K. *Idodingkon : Haleluya, haleluya, haleluya.*

P.Martonggo ma hita:

Ham Bapa nami Paridop ni uhur. Mangkatahon tarima kasih do hanami hu Bamu, halani na dob iberehon Ham Anak-Mu si sada–sada in hu hamateian, ase marulih sisadokah ni dokahni sagala na porsaya Bamu. Ungkap Ham ma uhur nami marhitei parroh-Mu hutongah-tongah nami sadari on, ase i bagas unduk ni uhur hanami manjalo pamintorion-Mu, bennami. Sorapi Ham ma hanami marhitei Tonduy-Mu, ase ibagas hapansingon hanami marsombah hu Bamu. Amen. *(hundul kuria).*

2. Mandoding 147. Ham Naibata Banggal Tumang (1+3+7)

1.. Ham Naibata banggal tumang, janah borat dousangku, Seng dong ijon itanoh on, tarbaen haporusanku.

3. On pe Bamu naman au roh, sai ulang tulak ahu; Pahombun Ham, O Naibata, panringis-Mu hu bangku.

7. Bai idop-Mu ma uhurhin, sai sasap Ham dousangku, Hu lambung-Mu ma tonduyhin bai rotap ni hosahku

3. Hasasapan ni Dousa

P. Riap ma hita jongjong

Martonggo ma hita, sopotkon hita ma dousanta hubani Tuhan Naibata. Ham Tuhan Naibata Bapanami paridop ni uhur hubani jolma pardousa. Domma iberehon Ham Anak-Mu Jesus Kristus gabe jolma anjaha manaron hahirion pakon hadoyukon, pala matei tarsilang laho manghopkop hanami anjaha mulak manggoluh, naik hu nagori atas laho mangapiti hanami. Tapi gati lang i ahapkon hanami banggalni panghopkop-Mu in bannami, janah gati seng ihargahon hanami in bani goluhnami. Haganupan in, in ma pangkorhonni gijang ni uhur, hampung janah hurang ni pangarusion nami. On pe na roh ma hanami hu Bamu mansopothon dousa nami. Sai palumbang Ham ma uhur-Mu, sasap Ham ma dousa nami. Pargogohi Ham ma hanami laho manangihon hata-Mu, ase lambin ididah, iahapkon janah iarusi hanami na dop ihopkop Ham do hanami. Ajari Ham ma hanami, ase ibotoh hanami martarimakasih marhiteihon ni uhur, hata ampa pambahenan nami. Jalo Ham tonggo elek–elek nami on ibagas goran ni Anak-Mu Jesus Kristus , Sipaluah hanami. Amen.

P. Tangar hita ma hatani Naibata, bagah–bagah pasal hasasapan ni dousa. Tapi anggo marparlahou hita i bagas haliharon, songon la ibagas na lihar in, saor do hita sama hita, anjaha i paborsih daroh ni Jesus, Anak in do hita humbani sagala dousa. Hasangapon ma bani Naibata i babou!

K. *Amen! (hundul kuria)*

4. Mandoding 327. Marpangusandeian Bani Tuhan in (1+4)

1. Marpangusandeian bani Tuhan in,
puji sai pasangap ma goran-Ni in
Monang halani hatani Tuhan in,
mangarapkon parpadanan in
Sai mangarap bani padan ni Tuhanta Jesus Kristus
Sai mangarap ma hita bai partobusan-Ni in

4. O hasoman anggo sihol ho sonang,
ingat ma padan ni Tuhan in tong tong
Aima jolomanmu tenger uhurmin,
das bani panroh ni Tuhan in
Sai mangarap bani padan ni Tuhanta Jesus Kristus
Sai mangarap ma hita bai partobusan-Ni in

5. **Manaksihon haporsayaan**

P. **Riap ma hita jongjong**

Saksihon hita ma haporsayaonta in, songon na sinaksihon ni haganup halak na porsaya bani sab tanoh on.

K. Ahu porsaya bani Naibata Bapa, Pargogoh na sop tarimbang, na manompa langit pakon Tanoh on. Ahu porsaya bani Jesus Kristus, Anak ni Naibata na sasada in, in do Tuhan ta, na tinubuhkon ni si Maria sanggah nape haliaban, marhitei Tonduy Na Pansing. Na manaron na parngit, bani panorang ni si Pontius Pilatus, iparsilangkon, matei anjaha i tanom, turun hu nagori toruh. Mulak manggoluh humbani na matei bani ari patoluhon. Naik hu surga anjaha hundul i siamun ni Naibata Bapa, Pargogoh na so tarimbang in. Hunjai ma la mulak magira laho manguhumi halak na manggoluh pakon na dob matei.

6. **Persembahan Pujian**

7. **Tingting + Tonggo Pangapition**

8. **Mandoding 467. Ise Do Boi(1-3)**

1. Ise do boi tondok bai lampo-Mu?
Ise do boi das hu dolog-Mu?
Pitah hulanan na porsaya in
na dob tinobus ni Jesus ijin

2. Ra mandalankon hapintoron-Mu
Na mangkorjakon ganup titah-Mu
Na dob mangaku gabe anak-Mu
In do na boi tondok bai lappo-Mu

3. Marhabiaran tongtong hu Bamu
mangkasiholhon hasintongan-Mu

na manghargahon pamilihon-Mu
in do na boi das hu bai dolog-Mu

9. **Ambilan: 2 Musa 23:1-9**

10. **Manggalang: (Roh ma na patumpuhon galangan hu lobei.)**

P. Paima iondoskon hita galanganta, jaloonta ma hata ni Naibata na gabe onjolan banta laho manggalang na tarsurat bani Psalmen 50:14 “Galangkon ma bangga ni uhur bani Naibata, anjaha galari ma bagah–bagahmu bani sitimbulan in” **Sonari patumpu hita ma galanganta.**

11. **Tonggo Galangan – Panutup – Pasu-pasu:**

P. **Riap ma hita jongjong.**

Martonggo ma hita mangondoskon galanganta hubani Naibata !
Ham Tuhan Naibata, pardear layak janah na unjah hu bennami. Tarimakasih ma hatahononami hu Bamu, halani tongtong do ipasu–pasu Ham goluhnami. Domma ihasomani Ham hanami janah i pasu–pasu Ham horja nami das hubani sadarion. Sonari ibagas malas ni uhur roh do hanami mangondoskon buah ni horja na dob pinasu-pasu-Mu in gabe galangan hatarimakasihon pakon puji–pujian nami hu Bamu. On pe sai jalo Ham ma galangan nami on, bahen hasangapon ni goran-Mu pakon pabolagkon harajaon-Mu i dunia on. Ibagas goran-Ni Anak-Mu Jesus Kristus Tuhan nami, jalo Ham ma tonggo nami on. Amen.

P/K. (Mandodingkon Hal.249:2)

Ganup binere-Mu in, tonduy pakon angkulanku
Hosah appa gogohkin ronsi haganup artangku
Huondoskon in Bamu , seng paosoronku in

P.Ham Bapanami na i nagori atas. Sai napapansing ma goran-Mu! Sai roh ma harajaon-Mu. Sai saud ma harosuh ni uhur-Mu i nagori tongah on songon na i nagoni atas! Bere Ham ma bannami sadari on hagoluhan ari-ari. Sasap Ham ma dousanami songon panasap nami bani dousa ni hasoman na mardousa dompak hanami! Ulang hanami bobai Ham hu parlajouan! Paluah Ham ma hanami hun bani pangagou!

P/K. (Mandodingkon) Ai Ham do simada harajaon, pakon hagogohon ampa hasangapon sadokah ni dokahni. Amen.

P.Laho ma nasiam, janah “Ulang ma surut ringgas ni uhur nasiam, hinsah ma ibagas Tonduy, sirsir ma mambalosi Tuhan in”.

Jalo nasiam ma pasu-pasu humbani Tuhan Naibatanta: “Ipasu-pasu anjaha iparorot Tuhan Naibata ma hita (ham), isondangkon Tuhan Naibata ma bohini hu banta (bamu) janah maidop ma uhurni mangidah hita (ham), idompakkon Tuhan Naibata ma bohi-Ni hu banta (bamu), janah ipasorap ma damei-Ni hu bani tonduy ta(mu). Amen!!

P/K. (Mandodingkon) Amen. Amen. Amen